

21 IANUARIE
RUGACIUNEA 2
SF.MUCENIC
EVGHENIE DE LA TRAPEZUNT

Молитва вторая

О всеславный страсотерпче, достохвальный угодниче Христов, Церкви Православныя поборниче, великомучениче святыи Евгение Трапезундтский! Преклоньше колена молим тя: призри на ны, грешныя, к заступлению твоему прибегающия, услыши сие малое моление наше и теплым твоим предстательством умоли Всемилосердного Бога, Ему же ныне предстоиши со Ангелы и всеми святыми, да сохранит нас в единении Православныя Церкви и утвердит в сердцах наших живый дух правыя веры и благочестия, и избавит нас от всякого искушения и прелести бесовския.

По велицей любви твоей, еюже ближния твоя возлюбил еси, испроси у всещедрого Бога Отечеству нашему, мир и благоустроение; всем же нам, недостойным, усердно к тебе прибегающим, богоугодное и безмятежное житие и добрую христианскую кончину, тайн Божиих причастною.

О святой заступнице наш не остави нас, слабых и беспомощных, молимся за ны ко Господу и Спасу Нашему Иисусу Христу и Пречистой Владычице Богородице, и подвижни на молитву за нас богопрославные соузники твоя, блаженные мученики Валериана, Кандида и Акилу, с ними же вкупе на Небеси предстоиши у Престола Царя Небесного, да дарует Он, Всещедрый и Премилосердный Господь наш, вся, яже к пользе временней и вечней полезная и потребная; да не воздаст нам по делом нашим, но по неизреченному человеколюбию своему простит нам грехи и согрешения наша, да избавят ны от всякия нужды и печали, скорби и болезни; да ниспошлет нам благое намерение и силу подвизатися во исправлении жития нашего, и в будущем веце да сподобит нас внити в Царствие Небесное и славити купно с тобою Всесвятое Имя Отца и Сына и Святаго Духа во веки веков. Аминь.